



# ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ

## ՈՍՏԻԿԱՆՈՒԹՅԱՆ ՊԵՏԻ

# ՆՐԱՄԱՆ



թիվ 35-Լ

### ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՈՍՏԻԿԱՆՈՒԹՅԱՆ ՊԵՏԻ 2020 ԹՎԱԿԱՆԻ ՍԵՊՏԵՄԲԵՐԻ 23-Ի ԹԻՎ 36-Լ ՀՐԱՄԱՆՈՒՄ ՓՈՓՈԽՈՒԹՅՈՒՆՆԵՐ ԵՎ ԼՐԱՑՈՒՄՆԵՐ ԿԱՏԱՐԵԼՈՒ ՄԱՍԻՆ

Համաձայն «Նորմատիվ իրավական ակտերի մասին» օրենքի 33-րդ և 34-րդ հոդվածների և ղեկավարվելով Հայաստանի Հանրապետության վարչապետի 2018 թվականի հունիսի 11-ի թիվ 751-Լ որոշմամբ հաստատված հավելվածի 20-րդ կետի 8-րդ ենթակետով՝

#### ՀՐԱՄԱՅՈՒՄ ԵՄ

1. Հայաստանի Հանրապետության ոստիկանության պետի 2020 թվականի սեպտեմբերի 23-ի «Ոստիկանության պարեկային ծառայության կանոնադիրքը հաստատելու մասին» թիվ 36-Լ հրամանով հաստատված հավելվածում՝

1) 5-րդ կետի 5-րդ ենթակետում «ավտոտրանսպորտային» բառը փոխարինել «տրանսպորտային» բառով,

2) 26-րդ և 27-րդ կետերում «ավտոմոբիլում» բառերը փոխարինել «տրանսպորտային միջոցում» բառերով,

3) 29-րդ կետի 10-րդ ենթակետում «ավտոմոբիլի» բառը փոխարինել «տրանսպորտային միջոցի» բառերով,

4) 32-րդ կետից հետո լրացնել նոր՝ 32.1 և 32.2 կետեր՝ հետևյալ բովանդակությամբ.

«32.1. Մոտոցիկլով պարեկային ծառայությունն իրականացվում է երթևեկության բարձր ինտենսիվություն ունեցող ավտոմոբիլային ճանապարհներին կամ անհրաժեշտությունից ելնելով:

32.2. Մոտոցիկլերն ունեն գունագրաֆիկ երանգավորում և կահավորված են հետևյալ տեխնիկական սարքերով ու միջոցներով՝

- 1) ավտոմեքենայի GPS սարք,
- 2) բարձրախոս, ցուցաձող,
- 3) լուսաձայնային ազդանշանային համակարգ,
- 4) լուսարձակ,

- 5) ամուր դյուրակիր համակարգիչ (պլանշետ)՝ իր լիցքավորիչով,
  - 6) ակոմետր,
  - 7) ապակիների մզեցվածության աստիճանի ստուգման սարք,
  - 8) թերմոտպիչ,
  - 9) դեպքի վայրի պահպանման համար անհրաժեշտ սարքավորումներ, այդ թվում հատուկ գունագրաֆիկ ժապավեն՝ դեպքի վայր հանդիսացող տարածքի սահմանազատման համար,
  - 10) դեպքի վայրի զննության արդյունքում վերցված իրերի կամ նմուշների պահման տոպրակ,
  - 11) կրակմարիչ,
  - 12) անհետաձգելի առաջին օգնության դեղատուփ,
  - 13) համազգեստի վրա կրվող տեսախցիկի լիցքավորիչ (ամրակ),
  - 14) 12-220Վ փոխակերպիչ,
  - 15) դյուրակիր ռադիոկապի լիցքավորիչ:»,
- 5) 153-րդ կետում «ավտոմեքենայի» բառը փոխարինել «տրանսպորտային միջոցի» բառերով, իսկ «մեքենան» բառը՝ «տրանսպորտային միջոցը» բառերով:
2. Հրամանը ծանոթացնել ՀՀ ոստիկանության իրավասու ծառայողներին և աշխատակիցներին:

**ՈՍՏԻԿԱՆՈՒԹՅԱՆ  
ԳԵՆԵՐԱԼ-ՄԱՅՈՐ**



**Վ. ՂԱԶԱՐՅԱՆ**

«12» 09 2022թ.

քաղ. Երևան